


4206
11



N. Inv. 4206.



1882. III. 90

30 cents

I


ORDINA

TIONES DE CAR-

penfariüs, Muratoribus

ac Lapididis.





ORDINATIONES ET CON-
STITVTIONES, QVOMODO CARPENTARIJ
et Muratores ac Lapididae Cracoviē.
Casimirien. & Clepardiē. in suis ae-
difidorum laboribus ac alijs eorum ar-
tis rebus sese gerere debeant. Anno Do-
mini M. D. LIIII. aeditae.



Magnificus Dñs. Dominus Ioannes
Ocieski, Regni Poloniae Cancellarius,
Capitaneus, Succamerarius et Bur-
grabius Cracoviē, Sandecē, ac Olsti-
neē. Capitaneus nomine et ex commis-
sione). S. M. R. Domini nostri clemen-
tissimi, una cum Magnifico domino
Ioanne Boner de Balice Castellano
Chelmensi, magno procuratori Arcis
Cracoviē. ac Scepusiē. Rapotinenq;
Capitaneo. Simul etiam cum Dominis
Consulibus Cracoviē, atq; tam Casi-
mirien. q. Clepardiē Consulatu ad id
accersito. Si exigente temporis con-
ditione et Reipublicae necessitate,

ad evitandum et avertendum plurima
 detrimenta, quae ab infrascriptorum
 artificum privatis institutis, in univer-
 sos redundant, has de muratoribus et
 lapicidis atq; carpentarijs ordinationes
 et constitutiones, publicae utilitati ac-
 commodatas, pro omnium bono instau-
 ratas, in praetorio Cracovicen. feria
 sexta post festum Assumptionis S. Ma-
 riae. Anno 1554 denuo fecerunt et
 sanxerunt, ad hunc qui sequitur mo-
 dum.

¶ Inprimis constitutum est quod qui-
 cunque huius artis Carpentariae vel
 Muratoriae vult effici magister, is
 cum alijs magistris se dominis Consu-
 libus praesentare debet, et Ius Civile
 suscipiat et artem suam coram ma-
 gistris senioribus ostendat. Qua appro-
 bata cum eorum assensu et voluntate
 in Magistrum suscipi et ad labores ad-

mitti debet.

¶ Caeterum nemo ex Carpentariis vel Muratoribus seu lapicidis ob consequendum magisterij gradum solvat et contribuat magistris seu fraternitati plus pecuniae, quam duos florenos mone-tae polonicae, ad communem fraternitatis cistulam pro comparandis armis, et pro alijs eiusdem fraternitatis necessitatibus reponendos et asservandos. Remoto etiam omni circa magisterii susceptionem convivio et compositatione. Alioquin si secus factum fuerit, tum et is novitius Magister, qui vel maiorem pecuniam conferret, vel convivium ullum instrueret, tum et ipsi magistri, qui vel maiorem reciperent pecuniam, vel symposium ullum sibi parari permetterent, multa 5 marcarum, ea utraque parte puniri debebunt.

¶ Item propter querimonias vicinorum

quibus saepe consulare officium impul-
satur adimendas. Statutum est, quod
nullus Carpentarius vel Murator ae-
dificium novum initiare audeat, nisi
prius gades, limites, et termini aedifi-
cii construendi per consulum aut a
consulatu deputatos conspiciantur et
dimettantur et signanter in structuris
versus ^{plateas} se extendentibus, ut sunt ambi-
tus, pinacula, tecta, cellaria et eo-
rum introitus nec talia versus pla-
team aedificentur sine scitu Consula-
tus, contrarium facientes per Consula-
tum graviter puniendi.

¶ Item si aliquis civium aedificare
volens cum Carpentario, aut Mura-
tore vel Lapidida de labore concordare
non posset, talis civis alium magi-
strum ad eundem laborem suscipere
poterit sine prioris magistri cum

quo concordiam facere non potuit contradictione).

¶ Item statutum est, quod nullus magistrorum sive Carpentariorum, sive Muratorum, sive Lapididarum plures quam unum suscipiat labores, quia per hoc se a laboribus absentabant diuissim labores suscipientes. Et per hoc damna gravia cives incurrebant, unico itaque labore circa unum bonum virum assumpto quisque magistrorum debet esse contentus. Quo tandem finito et consummato alium suscipere poterit et non aliter.

¶ Item statutum est, quod quilibet magistrorum sive Carpentariorum sive Muratorum ac Lapididarum a labore septimanae integrae, habeat 30 grossos, videlicet quinque grossos quolibet die, et hoc tempore aestivali, a festo Paschae usque ad Michaelis. Et tandem

tempore hyemali, hoc est, a festo S. Michaelis usque ad Paschae a quolibet die quatuor grossos. Et quilibet magistrorum solus manualiter laborem exerceat. Et si qua die non laboraverit, cum diem sibi solvere nemo tenebitur.

¶ Item quod quilibet Magister cum sociis et laboratoribus suis, mane quamprimum dies illuderit ad laborem venire debet, et usque ad horam lentaculi (alias do sinadanney godrimy) consuetam laborans non nisi per mediam horam comedat et quiescat. Et deinde in meridie unam horam integram et non plus, ibidem circa laborem comedat et quiescat. Et tandem hora vespertorum seu merende iterum mediam horam teneat. Tempore vero hyemali incipiendo a festo Crucis in Autumno, usque ad

festum Paschae nullum tempus merende, alias inzynowania habere debent, super quas horas ipse magister superintendere debet, horologium parvum ex arena habendo. Et sic tota die diligenter laborando non nisi una hora ante occasum solis una cum suis laboratoribus ac socijs a labore discedat.

¶ Item statutum est, quod nullus magistrorum aut sociorum accipiat ac vendat hastulas, truncos, resectiones trabium, aut lignorum aliorum sine voluntate domini aedificantis, sub gravibus poenis, attamen ne diripiantur hastulae, aut asportentur, propinam aliquam aedificans pro aliqua consolatione laborantium si videbitur tribuere poterit.

¶ Item ex quo magistris et socijs praecium diurnale et septimanale est praecium

fixum et deputatum) in quo ipso debent esse contenti. Et tunc, statutum est, quod nullus magistrorum vel sociorum audeat postulare ac accipere solutionem aliquam pro diebus festis in septimana occurrentibus, sub poena quinque marcarum. Et si quispiam ex dominis aedificantibus eadem festa socijs vel magistrisolvere promiserit, et realiterolvere vel solvisse deprehensus fuerit, etiam poenas quinque marcarum puniri debet.

¶ Item statutum est, quod si aliquis civium de aedificijs in toto vel in parte murando vel construendo cum aliquo magistrorum convenire vel concordiam facere vellet de integro, alias, ogulem, vel ad laborem diurnum ea precio diurno dando. Tunc hoc stare

debet in arbitrio ipsius civis aut aedificantis, quomodo id facere vellet, et pactum tale sive intentum Carpentarius sive Murator sive Lapidida ab eo suscipere debet absque contradictione.

¶ Item quilibet Magister more solito habere debet omnia instrumenta sua ad labores apta suis sumptibus comparata, ad quae dominus aedificans vel civis nihil habere debet.

¶ Item si aliquis civium vel domitorum aliquem Magistrum extraneum, Carpentarium vel Muratorem, sive Lapididam magistralem vel excellentem pro aedificio suo faciendo vocare et in civitatem inducere vellet. Tunc hoc facere poterit cum scitu et assensu Consulatus pro

illo edificio tantum consumando et fini-
endo, et poterit sibi dare salarium
maius vel minus quam nostris Ma-
gistris prout secum concordavit. Qui
tandem Magister extraneus si alios
labores in civitate suscipere vellet,
cum Civitatis artificij eiusdem magi-
stris fraternitatem suscipere debet
et huius ordinationi subiacere.

DE SOCIIS EORVM.

¶ Item socij utriusque artis, tam
Muratoriae, quam carpentariae
hoc modo teneri et gubernari debent.

¶ Inprimis nemo ex Carpentarijs
vel Muratoribus seu Lupicidis, ob su-
scipiendum et ineundum socii gradum,
solvat et contribuat Magistris seu fra-
ternitati plus pecuniae quam 12 gros-
sos, ad communem fraternitatis cistid-

lam pro comparandis armis et pro alijs
 eiusdem fraternitatis necessitatibus
 reponendos et a sercandos, remoto
 etiam omni circa socij susceptionem
 et delectionem convivio et computatione.
 Alioquin si secus factum fuerit, tum
 et is novitius socius, qui vel maio-
 rem pecuniã conferret, vel con-
 vivium ullum instrueret, tum et
 Magistri, qui vel maiorem recipe-
 rent pecuniã, vel symposium
 ullum sibi parare permitterent,
 mulcta 3 marcarum ex utraque
 parte puniri debebunt.

¶ Item si aliquis Magistrorum so-
 cium apud se tenuerit per hyemem
 tunc talis socius apud eundem Magi-
 strum continuare debet in labore us-
 que ad festum sancti Joannis Bapti-

stae) adminus, vel ad mediam aestatem. Et si ab eodem magistro ante hoc tempus discedere) vellet; tunc nullus Magistrorum ipsum suscipere, aut sibi laborem) apud se) facere) debet sub poena per Consulatam irroganda.

¶ Item quilibet Magistrorum artis Muratoriae debet et poterit servare) quatuor) discipulos alias uovnie. Qui discipuli artificium suum per quatuor) annos) discere) debent, quibus statuta est merces diurna) pro labore ipsorum. Nempe) primo anno) per duos grossos. Secundo anno) per duos cum medio) grossos. Tercio) et quarto annis) per 3. grossos illis solvetur; et hoc tempore aestatis, a festo Paschae) ini-
piendo) usque ad festum sancti Michaelis. Deinde tempore hyemis pri-

mo et secundo annis per unum cum medio grossum. Tercio et quarto annis per duos grossos illis solvetur qualibet die laboriosa.

¶ Similiter etiam socij Muratorum tres grossos tempore aestatis. Et tempore hyemis per duos grossos accipere debent, sed socij lapicidarum a labore unius diei tempore aestatis per tres grossos. Tempore vero hyemis ut praemissum est per duos grossos accipere debent, nisi fuerint valde magistrates ac excellentes, quibus precium eorum septimanale aliquantulum posset meliorari.

¶ Item statutum est, quod socij Carpenteriariorum signanter laborantes bipennix, alias theoporem pro labore unius diei tres grossos accipere debent, tempore aestatis a festo videlicet Pas-

ihuc' usque ad Michaelis. Et tandem a festo Michaelis usque ad Paschae per duos grossos accipiant'. Socij autem simplici securi laborantes, tempore Estivo per duos cum medio grossos. Tempore vero hyemali per decem quadrantes accipere debent'.

¶ Item statutum est, ut post elapsum tempus quatuor annorum, cum discipuli muratorum artem perdiderint, a magistris suis liberi pronuntiari debent. Non tenebuntur discipuli ceteris magistris et socijs convivium facere prout antea consueverant cum illorum dispendio non mediocri, sed magister suus vocatis ad se senioribus aliquot artis illius, talem coram eis liberum dicet et notare faciet in actis eorum. Et nil amplius propterea illis praestare exhibere dareque tenebitur, quam sex grossos ad communem fraternitatis

cistalam), pro comparandis armis et pro aliis eiusdem fraternitatis necessitatibus reponendos et asservandos.

¶ Item nullus Magistrorum nec Carpentariorum nec Muratorum audeat socios seu laboratores alterius magistri alienare, aut quovismodo abducere sub poena per Magistros seniores inveniendâ).

¶ Item si quispiam sociorum a Magistro suo sine licentia discesserit et Magistro suo in aliquo obligaretur, hunc nullus Magistrorum suscipere audeat usque ad completam satisfactionem Magistro faciendam et nihilominus ipse socius per Magistros corripiatur pro arbitrio eorum.

¶ Item socium insolentem et rebellem, vel labores sponte negligentem, Magi-

stri eorum Consulatu ad praetorium praesentare debent, qui pro arbitrio Consulatus et pro modo excessus et culpa puniri debet.

¶ Item statutum est ut deinceps omnes Magistri ac socii Carpentariorum, Muratorum sive Lapidarum, non vigesima secunda hora quam sibi eligeant, sed vigesima tertia in duabus septimanis ad balneum descendant et intrent, alias hora consuetam quando a labore cessatur. Qua hora labore finito unusquisque balneari poterit, etiam quolibet die feriali.

¶ Item constitutum est quod quotienscunque contingat civem aliquem aut ius civile habentem indigere uno aut duobus sociis carpentariorum ad labores aliquos, qui intra unius septimanae decursum confici possunt, tum ipsi

Magistri denegare non debent civibus
unum aut duos socios eiusmodi labo-
res confecturos. Verum Magistris ab
huiusmodi labore nihil prorsus dari
nisi sociis debita merces persolvi de-
beat.

¶ Item ex quo fuit antiqua consue-
tudo et per praedecessores Consules
tentata, ut cum ignis in civitate (quod
Deus avertat) oriebatur, tunc Magi-
stri Carpentarii et eorum socii ac
famuli solebant cum instrumentis
eorum quam celerime ad ignem cur-
rere. Extunc etiam statutum est et
firmiter tenendum, ut ipsi carpenta-
rii in tali casu incendio exorti, sta-
tim cum sociis et famulis suis ad i-
gnem cum instrumentis suis currant,
et properent, et pro posse suo defen-
dant ignemque extinguant, quibus
Consules pro tunc existentes propi-

18.

nam gratiosam pro eorum fatiga et
diligentia largiri curabunt. Qui-
cunque autem his ordinationibus
et constitutionibus modo emanatis
ausu temerario contravenire prae-
sumpserit, talis sive Magister sive
socius fuerit, nec labores aliquos su-
scipere, nec mansionem in Civitate
habere debet.

